



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-288-2/21**

Datum: **08.07.2021. godine**

«Agencija za vodno područje rijeke Save» Sarajevo rješavajući po službenom zahtjevu Službe za urbanizam Grada Zenica za donošenje rješenja o prethodnoj vodnoj saglasnosti za ispuštanje oborinskih voda u rijeku Bosnu, u postupku izdavanja urbanističke saglasnosti za izgradnju oborinskog kolektora za odvodnju lokalne saobraćajnice u naselju Lukovo polje u Zenici, a po zahtjevu JP za prostorno planiranje i uređenje grada «Zenica» d.o.o. Zenica, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev JP za prostorno planiranje i uređenje grada «Zenica» d.o.o. Zenica za donošenje rješenja o prethodnoj vodnoj saglasnosti za ispuštanje oborinskih voda u prirodni recipijent - rijeka Bosna iz kolektora oborinskih voda koji se planira graditi u naselju Lukovo polje u Zenici s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Dana 29.06.2021. godine, u postupku izdavanja urbanističke saglasnosti, Služba za urbanizam Grada Zenica uputila je, po službenoj dužnosti, ovoj Agenciji zahtjev za izdavanje prethodne vodne saglasnosti za izgradnju oborinskog kolektora za odvodnju lokalne saobraćajnice u naselju Lukovo polje u Zenici, a po zahtjevu JP za prostorno planiranje i uređenje grada «Zenica» d.o.o. Zenica.

U provedenom postupku dostavljena je i pregledana sljedeća dokumentacija:

- Protokol službe za urbanizam od 22.06.2021. godine
- Situacija i uzdužni profili planiranog oborinskog kolektora - CD

Na osnovu dostavljene dokumentacije utvrđeno je sljedeće:

U sklopu projekta razdvajanja oborinske od fekalne kanalizacije u Zenici, za odvodnju oborinskih voda sa lokalne saobraćajnice u naselju Lukovo polje, predviđena je izgradnja oborinskog kolektora sa ispuštanjem oborinskih voda u rijeku Bosnu.

Kako na predmetnom lokalitetu ne nastaju oborinske onečišćene vode kako je to utvrđeno odredbama člana 3. stav 1. tačka (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/2020), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 218. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu Zaključka.

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- JP za prostorno planiranje i uređenje grada «Zenica»
Mehmedalije Tarabara 15, Zenica 72000
- Služba urbanizam Grada Zenica
Trg Bosne i Hercegovine 6, Zenica 72000
- ☉ AVP, ISV – Vodna knjiga
- Sektor 40, arhiva
- Oglasna ploča, AVP Sava